

**BOSNA I HERCEGOVINA  
FEDERACIJA BOSNE I HERCEGOVINE  
Vlada Federacije Bosne i Hercegovine  
Ministarstvo kulture i sporta / Ministarstvo kulture i športa**

**Program rada  
za 2011. godinu**

Sarajevo, januar / siječanj 2011. godine

## Uvodni dio

Ministarstvo će u 2011. godini nastaviti obavljati upravne, stručne i druge poslove iz nadležnosti Federacije koji se odnose na naučno-istraživačku djelatnost u oblasti zaštite i korištenja kulturno-historijskog naslijeđa, unapređenja muzejske, arhivske, bibliotečne, izdavačke, teatarske, muzičke, likovne, filmske djelatnosti i sporta. Radit će se na razvijanju i omogućavanju rada organizacijama i udruženjima građana u oblasti umjetnosti i kulture, unapređenju kulturnog amaterizma, stvaralaštva mladih, sporta, tehničke i tjelesne kulture, na podršci umjetnicima radi poboljšanja statusa i podršci razvoja talenata od značaja za Federaciju BiH i Bosnu i Hercegovinu.

Godina 2011. je proglašena UN i UNESCO Međunarodnom godinom kemije (povod je 100 godina od dodjele prve Nobelove nagrade za kemiju) za Bosnu i Hercegovinu važna jer je naš Vladimir Prelog jedan od dobitnika Nobelove nagrade za kemiju Također, 2011. je proglašena EU godinom volonterizma, uz geslo „Volontiraj - učini razliku“

Ministarstvo će u okviru redovnih aktivnosti promovirati navedene teme.

Vlada Federacije BiH je usvojila Strategiju razvoja Federacije Bosne i Hercegovine 2010. - 2020. u kojoj su zastupljene oblasti kulture i sporta i Akcioni plan za implementaciju Strategije. Ministarstvo će nastaviti s provedbom ove strategije uz obavezu provođenja aktivnosti predviđene Akcionim planom za implementaciju dijela Staretegije kulturne politike Bosne i Hercegovine. Usvajanje Akcionog plana se očekuje u prvom kvartalu ove godine.

Slijedeći programske ciljeve i aktivnosti predviđene Akcionim planom, djelatnosti u oblastima kulture i sporta neposredno će obavljati:

- Zavod za zaštitu spomenika,
- Sektor za kulturno-historijsko naslijeđe i kulturu,
- Centar za mlade,
- Sektor za sport.

Podršku aktivnostima Ministarstva u okviru svog djelokruga rada nastavit će:

- Fondacija za kinematografiju,
- Fondacija za nakladništvo / izdavaštvo,
- Fondacija za bibliotečnu djelatnost,
- Fondacija za muzičke, scenske i likovne umjetnosti

## Kulturno-historijska baština

Zaštitu dobara kulturno-historijskog naslijeđa Ministarstvo ostvaruje u:

- Sektoru za kulturno-historijsku baštinu i kulturu i
- Zavodu za zaštitu spomenika FBiH.

Aktivnosti Ministarstva planirane u oblasti kulturno-historijskog naslijeđa su:

- Implementacija Pilot projekta ARCH Stolac, - „Naslijeđe kao most između zajednica. Rekonstrukcija arhitektonskog naslijeđa u centru grada Stoca - održivo oživljavanje i razvoj zajednice razjedinjene ratom“

- praćenje provedbe međunarodnih konvencija i izvještavanje u dijelu koji se odnosi na Federaciju BiH,
- suradnja na izradi Popisa zaštićene nematerijalnih kulturnih dobara,
- evidentiranje stanja objekata, popunjavanje registara spomenika kulture,
- finansijska podrška obnovi i rekonstrukciji objekata kulturno-historijskog naslijeđa,
- stručni, tehnički i finansijski nadzor nad implementacijom dodijeljenih sredstava,
- dokumentiranje,
- digitalizacija dokumentacije,
- aktivnosti na pripremanju zakonskih propisa i uredbi,
- organizacija manifestacije *Dani europskog naslijeđa*.

Sektor je u suradnji s lokalnim zajednicama i Zavodom za zaštitu spomenika, za ciklus financiranja IPA 2012 i 2013. godine predložio projekte obnove:

- Zgrade Crvenog krsta / Crvenog križa u Sarajevu,
- Partizanskog spomen groblja u Mostaru,
- Starog grada Tešanj i
- Starog grada Bužim.

Zavod za zaštitu spomenika će pratiti pripremu projekata za spomenute objekte.

Iz Transfera za obnovu i zaštitu objekata kulturno-historijske i graditeljske baštine Federacije BiH, sredstva će se dodjeljivati za izradu projekata i izvođenje radova na zaštiti kulturne baštine za:

- javne objekte,
- islamske, katoličke, pravoslavne i sakralne objekte drugih konfesija,
- arheološke lokalitete, nekropole,
- stare gradove,
- stambene objekte,
- zaštitu pokretnih kulturnih dobara,
- zaštitu nematerijalnih kulturnih dobara,
- sanaciju objekata kulture,
- manifestaciju Dani europske baštine.

Izbor objekata vrši se prema usvojenim općim i posebnim kriterijima.

Opći kriteriji:

- Kvaliteta kandidiranih programa i projekata i njihov doprinos u podizanju općeg nivoa u oblasti kulturne i graditeljske baštine,
- doprinos uspješnoj prezentaciji i afirmaciji Federacije Bosne i Hercegovine i Bosne i Hercegovine,
- ekonomičnost,
- osigurano sufinansiranje kantonalnih institucija kulture i lokalnih zajednica,
- ravnomjerna regionalna i nacionalna zastupljenost.

Posebni kriteriji:

- Vrijednost objekta (historijska, arhitektonska, umjetnička, kulturna, duhovna, prostorna),
- stanje objekta (potrebna preliminarna zaštita, konzervacija, sanacija, restauracija, adaptacija, revitalizacija i prezentacija),
- prioritet i neophodnost radova u skladu sa stanjem objekata koji imaju status nacionalnih spomenika Bosne i Hercegovine,

- zaštita i očuvanje pokretnih i nematerijalnih kulturno-historijskih dobara,
- nastavak započetih radova na objektima kulturne baštine,
- Zastupljeni objekti su većinom nacionalni spomenici Bosne i Hercegovine koji se nalaze na prostoru Federacije Bosne i Hercegovine.

Prednost kod izbora za sufinansiranje zaštite i obnove će imati objekti:

- koje u skladu s godišnjim planom predloži Zavod za zaštitu spomenika,
- koji imaju završenu projektnu dokumentaciju i potrebne dozvole,
- koji trebaju sredstva za izradu projekata i stručnu podršku,
- koji će doprinijeti očuvanju pokretnih i nepokretnih kulturnih dobara
- kojima su utvrđeni namjena i vlasnik, čiji je završetak izvjestan u kraćem periodu i koji će doprinijeti ekonomskom razvoju društvene zajednice

I dalje će se razvijati suradnja i koordinacija rada s:

- Državnom komisijom za UNESCO,
- Organizacijama UN (UNESCO, UNDP),
- Komisijom/Povjerenstvom za očuvanje nacionalnih spomenika,
- Ministarstvom civilnih poslova Bosne i Hercegovine,
- Ministarstvom prostornog uređenja Federacije BiH,
- Ministarstvom turizma i okoliša Federacije BiH,
- Kantonalnim resornim ministarstvima,
- Kantonalnim zavodima za zaštitu spomenika, agencijama

i drugim institucijama koje se bave zaštitom kulturne baštine Bosne i Hercegovine.

Ministarstvo će sa Federalnim ministarstvom okoliša i turizma i u suradnji s kantonalnim turističkim zajednicama i Turističkom zajednicom Federacije BiH i dalje donositi odluke o utrošku sredstava ostvarenih po Uredbi o članarinama u turističkim zajednicama i Uredbi o boravišnim pristojbama, za period od 1.1. do 31.12.2009. godine.

### **Zavod za zaštitu spomenika**

Zavod za zaštitu spomenika, upravna organizacija Ministarstva i nadležna služba zaštite naslijeđa na nivou Federacije BiH i u 2011. godini, će operativno, po fazama, raditi na zaštiti objekata kulturno-historijskog naslijeđa, na izradi, arhiviranju i skaniranju dokumentacije o zaštićenoj materijalnoj pokretnoj i nepokretnoj baštini, pripremati programe i projekte adaptacije, sanacije, konzervacije, rekonstrukcije, restauracije, revitalizacije i prezentacije spomenika kulturne baštine, vršiti stručni nadzor nad realizacijom programa zaštite objekata, utvrđivati uvjete namjene objekata radi njihove samoodrživosti.

Također, Zavod će nastaviti surađivati s Komisijom za očuvanje nacionalnih spomenika BiH ustupajući projektnu i drugu dokumentaciju za spomenike kulture, na osnovu koje Komisija prema Aneksu 8 mirovnog sporazuma za BiH vrši proglašenje dobara nacionalnim spomenikom Bosne i Hercegovine. Zavod će kao nadležna služba zaštite u Federaciji BiH, nastaviti implementirati odluke Komisije i u 2011. godini.

Zavod će dokumentaciju izdavati i trećim licima kao što su projektne organizacije, Zavod za zaštitu spomenika Republike Srpske, učenicima i studentima, drugim pravnim i fizičkim licima koji imaju opravdan razlog (seminarske, magistarske i doktorske radove, izrada projektne dokumentacije).

Vršiti će nadzor nad realizacijom programa i projekata radi pravilne realizacije i implementacije sredstava namijenjenih za zaštitu objekata kulturno-historijskog naslijeđa, primjenom odgovarajućih stručnih i naučnih metoda rada iz oblasti zaštite kulturno-historijskog naslijeđa.

Učestvovat će u upravnim postupcima izdavanja suglasnosti dajući stručna mišljenja sa stanovišta zaštite kulturno-historijskog naslijeđa, o programima i projektima izrađenim od strane drugih pravnih i fizičkih lica.

Kroz informaciono-dokumentaciono odjeljenje nastaviti će se evidentiranje i čuvanje dokumentacije o objektima kulturno-historijskog naslijeđa BiH. Zavod će nastaviti sa prikupljanjem materijala i vođenjem fototeke, hemeroteke, biblioteke, videoteke, kao i druge dokumentacijske zbirke.

Zavod će, u okviru realizacije Pilot programa naslova: ARCH Stolac - „Naslijeđe kao most između zajednica. Rekonstrukcija arhitektonskog naslijeđa u centru grada Stoca - održivo oživljavanje i razvoj zajednice razjedinjene ratom” za koje je Europska unija izdvojila 1.500.000,00 €, pripremiti projektne zadatke za obnovu objekata predviđenih ovim Pilot projektom i vršiti stručni nadzor nad njihovom implementacijom u naredne dvije godine.

Za 2011.godinu Zavod planira operativno, po fazama raditi na slijedećim objektima:

#### **Javni objekti:**

- Vršiti stručni nadzor na obnovi Partizanskog groblja u Mostaru stručni nadzor
- Vršiti stručni nadzor na obnovi Gradske Vijećnice u Sarajevu stručni nadzor
- Vršiti stručni nadzor na sanaciji Paviljona prirode Zemaljskog muzeja BiH u Sarajevu
- Vršiti stručni nadzor na obnovi Male vijećnice u Odžaku
- Vršiti stručni nadzor na obnovi Zgrade financija u Jajcu
- Izraditi projekt konzervacije objekta Stari most u Klepcima, Čapljina

#### **Islamski sakralni objekti:**

- Nastaviti radove na obnovi Džamije u Podgori, Breza
- Nastaviti radove na obnovi Džamija u Šenkovićima, Novi Travnik,
- Vršiti stručni nadzor na obnovi Soko džamije u Gračanici
- Vršiti stručni nadzor na obnovi Huseinija džamije u Gradačcu
- Nastaviti vršiti stručni nadzor na obnovi Musalla u Kamengradu Sanski Most
- Vršiti stručni nadzor na obnovi Ferhadbegova džamija u Tešnju stručni nadzor
- Izraditi projekt za Semiz Ali-pašino turbe u Prači,
- Vršiti stručni nadzor na Džamiji Džudža Džaferovoj u Tomislavgradu
- Završiti projekt konzervacije i vršiti stručni nadzor na obnovi džamije Handanija u Pruscu , Donji Vakuf
- Završiti pšprojekt rekonstrukcije i vršiti nadzor na obnovi džamije Hasana Kjafige Pruščaka, Prusac
- Vršiti stručni nadzor na Firuz-begovom hamamu, Sarajevo
- Vršiti stručni nadzor na izgradnji Bakr babine džamija na At-mejdanu u Sarajevu

### **Katolički sakralni objekti:**

Vršiti će stručni nadzor nad izvođenjem radova na obnovi i sanaciji objekata:

- Crkva sv. Ilije Kruševo, Mostar,
- Franjevački samostan u Kraljevoj Sutjesci,
- Nova crkva sv. Mihovila u Varešu
- Grobljanska kapela (arh. Plečnik) na Stogiću u Varešu
- Kapela s franjevačkom kućom u Podbili, Posušje,
- Stara biskupska rezidencija u Vukodolu, Mostar
- Crkva Sv. Trojstva u Blagaju

### **Pravoslavni sakralni objekti:**

Vršiti će stručni nadzor nad izvođenjem radova na obnovi i sanaciji objekata

- Saborna crkva u Sarajevu,
- Crkva Uspenija presvete Bogorodice u Livnu i

Izraditi potrebne projekte za objekte:

- Crkva Sv. Vasilija Ostroškog u Blagaju
- Crkva Vaznesenja Hristovog u Čapljini

**Arheološki lokaliteti** istraživati će se u suradnji s arheolozima Zemaljskog muzeja, ANUBiH-a i Odsjeka za arheologiju Sveučilišta u Mostaru. Zavod će sudjelovati u istraživanjima, evidentirajući i dokumentirajući rezultate, a biti će i koordinator programa i projekata na osnovu kojih će Zavod raditi konzervaciju i revitalizaciju.

- Izraditi će projekt konzervacije i vršiti stručni nadzor na Nekropoli stećaka u Kruševu
- Nadzirati će i vršiti arheološka istraživanja na arheološkom lokalitetu u Halepić kod Glamoča
- Izraditi će projekt konzervacije i vršiti stručni nadzor na Nekropoli stećaka Sovići

### **Stari gradovi:**

U skladu s, uglavnom, započetim aktivnostima nastaviti će, po fazama, raditi na operativnoj zaštiti i konzervaciji bedema na starim gradovima

- Jajce,
- Krupa,
- Visoki,
- Ključ,
- Srebrenik,
- Počitelj
- Ljubuški
- Travnik
- Izraditi će projekt za Prusac

U okviru Pilot projekta ARCH Stolac pripremiti će projektni zadatak radi pripremetenderske dokumentacije za izradu projekta sanacije za stari grad Vidoški u Stocu te vršiti stručni nadzor nad izvođenjem radova.

### **Stambeni objekti:**

Vršiti će stručni nadzor na sanaciji i rekonstrukciji stambenih objekata, nacionalnih spomenika Bosne i Hercegovine na objektima

- Kršlakova kuća u Jajcu
- Stambeni devastirani objekti u Mostaru (u ul.M.Tita)

Izraditi će projektnu dokumentaciju i vršiti stručni nadzor na objektima:

- Stambeni kompleks Begovina u Stocu
- Stambeni kompleks Velagićevina u Blagaju
- Stambeni objekt u Kreševu
- Kuća Abdibegovića u Pruscu

Raditi će se i druge aktivnosti na programima i projektima koji će zadovoljiti usvojene opće i posebne kriterije zaštite kulturnog naslijeđa, po kojima će komisija ministarstva postupati pri odabiru prioriteta.

U 2011.godini Zavod za zaštitu spomenika će kao nosilac radova vršiti izvođenje preventivnih arheoloških istraživanja na trasi koridora Vc. To je nastavak I.faze generalnog ugovora koji je Zavod za zaštitu spomenika potpisao sa Direkcijom za autoceste F BiH, na osnovu Odluke Vlade Federacije BiH broj : 208/10 od 24.marta 2010.godine. Istraživanja će se raditi prema prioritetima koje dostavi Direkcija, odnosno prema radovima na dionicama i poddionicama.

Također su planirane aktivnosti na pripremi projekata za objekte koji su predmetom financiranja Instrumenta predpristojne pomoći (IPA projekti EU) i koja bi se realizirala u 2012. godini na objektima:

- Stari grad Bužim
- Partizansko groblje u Mostaru,

a u 2013.godini na objektu

- Stari grad Tešanj.

Zavod za zaštitu spomenika planira i nastavak aktivnosti sa organizacijom UNESCO i UNDP na zajedničkim projektima obnove i zaštite objekata naslijeđa.

U 2011.godini Zavod planira sudjelovati na VI Regionalnoj konferenciji o suvremenom pristupu zaštiti kulturne i prirodne baštine u Banja Luci čiji je organizator Zavod za zaštitu kulturno-istorijskog i prirodnog naslijeđa RS.

Izdavanje XXII broja stručnog časopisa i godišnjaka *Naše starine*, Zavod će osim tradicionalnog sadržaja, prezentirati svoj rad na konzervaciji, sanaciji, restauraciji, rehabilitaciji i prezentaciji kulturno-istorijskog i graditeljskog naslijeđa za koje je Federalno Ministarstvo kulture i sporta, sufinanciralo programe i projekte do kraja 2010. godine kao i objekte koji su rađeni u suradnji sa međunarodnim organizacijama i institucijama.

Također u 2011.godini planirano je da Zavod za zaštitu spomenika bude nosilac aktivnosti u organizaciji Dana evropskog naslijeđa koji se tradicionalno održavaju u septembru mjesecu. Tema Principi obnove kulturno-istorijskog naslijeđa u uvjetima stvorenim prirodnim i ratnim katastrofama, a održavanje manifestacije planirano je u Tešanju.

## Kultura

Okosnicu rada Ministarstva u 2011. godini činit će aktivnosti utvrđene Akcionim planom za implementaciju dijela Strategije kulturne politike Bosne i Hercegovine kojima će se postići slijedeći zacrtani ciljevi:

- Razvoj kulturne politike Bosne i Hercegovine,
- Harmonizirani razvoj kulturnih politika,
- Pojačana uloga kulture u ekonomskom razvoju Bosne i Hercegovine
- Osnažen pristup kulturnoj ponudi i participacija u kulturi

Federalno ministarstvo kulture i sporta programe i projekte od značaja za Federaciju Bosne i Hercegovine i Bosnu i Hercegovinu planira sufinancirati i realizirati prema ranije spomenutim općim kriterijima i usvojenim posebnim kriterijima.

Transfer za kulturu od značaja za Federaciju Bosne i Hercegovine  
Posebni kriteriji:

- afirmacija kulturnog i umjetničkog stvaralaštva,
- interes kulturne javnosti,
- dugogodišnji kontinuitet; inovativnost,
- uspjesi na međunarodnom i domaćem planu,
- poticanje razmjene; realizacija u kooperaciji ili koprodukciji,
- doprinos angažiranju i afirmaciji mladih.

Međunarodna suradnja u oblasti kulture realizirat će se u zavisnosti od stava i konkretne i zajedničke podrške entitetskih resornih ministarstava, konkretnih planova i zahtjeva nadležnih ministarstava u Vijeću ministara (Ministarstvo civilnih poslova Bosne i Hercegovine i Ministarstvo vanjskih poslova Bosne i Hercegovine).

Prednost kod dodjele sredstava imat će programi i projekti koji su ostvarili članstvo u značajnim međunarodnim asocijacijama, čija je kvaliteta potvrđena dodjelom međunarodnih certifikata.

Usklađivanje kulturne politike s europskim standardima predstavlja jedan od glavnih ciljeva u radu ovog ministarstva: Ministarstvo je nastavilo sudjelovanje u MDGF Programu „Kultura za razvoj“ u četiri radne grupe:

1. Izrada Akcionog plana za provedbu Strategije kulturne politike BiH,
2. Izrada kulturnog portala,
3. Reforma kulturne statistika i
4. Radna grupa za monitoring i evaluaciju.

Kako je završetak Programa „Kultura za razvoj“ planiran do kraja 2011. godine, očekuje se da će rezultati rada u sve četiri radne grupe polučiti rezultate.

Očekuje se da će biti ostvarene sve predviđene aktivnosti u provedbi Akcionog plana i da će biti završene aktivnosti na izradi kulturnog portala Bosne i Hercegovine.

Posebno je važna činjenica da su već podijeljeni na razmatranje statistički obrasci kojima će biti utvrđena jedinstvena forma za prikupljanje podataka u oblasti kulture na svim razinama. Reforma kulturne statistike je višegodišnja, a moglo bi se reći i trajna aktivnost. Ministarstvo će na ovoj zadaći raditi s drugim entitetskim ministarstvima, statističkim zavodima i agencijama. Naravno, glavni partner u radu



bit će nam Zavod za statistiku federacije Bosne i Hercegovine s kojim već dulje vrijeme koordiniramo rad i razmjenjujemo podatke.

Značajan dio službenika u ministarstvu prošao je treninge i edukaciju za rad na monitoringu i evaluaciji projekata kulture. To znači da će u narednom periodu u radu Ministarstva biti osnažen pristup metodologijama koje se primjenjuju u zemljama Europske Unije.

Bosna i Hercegovina je pristupila Programu Kultura 2007-2013. Podaci o Programu su postavljeni na internet stranicu ministarstva, informacije mogućim korisnicima dostupne su telefonom, e-mailom i usmeno. Očekujemo da će inovativni i kvalitetni projekti kandidirani iz Bosne i Hercegovine uspjeti u namjeri da dobiju sredstva iz ovog Programa. Iako mogući korisnici sredstva apliciraju izravno, ministarstvo će sa svoje strane podijeliti informacije s kojima raspolaže i, eventualno, omogućiti povezivanje institucija kulture u partnerstvo.

Očekuje se i da će Bosna i Hercegovina do kraja ove godine pristupiti Programu Media 2007-2013. S obzirom na činjenicu da se radi o kompleksnijem programu za koji treba stvoriti preduvjete Ministarstvo će svakako učiniti što je potrebno da bi u suradnji s Ministarstvom prosvjete i kulture RS i Ministarstvom civilnih poslova Bosne i Hercegovine uspostavilo potrebni zakonski i tehničko operativni okvir.

### **Centar za mlade**

Centar za mlade federalnog ministarstva kulture i sporta će svoje aktivnosti u 2011. godini voditi kroz nekoliko područja djelovanja:

Koordinacija rada sa svim nivoima vlasti u Bosni i Hercegovini, radi poboljšanja položaja mladih i dostizanja europskog životnog standarda mladih u Bosni i Hercegovini,

Poticanje kulturnih i sportskih aktivnosti u interesu zadovoljavanja potreba mladih, posebno u malim sredinama te saradnja organa i tijela vlasti i omladinskih organizacija,

Osiguravanje namjenskih sredstava za projekte mladih, podrška i povezivanje projekata i programa mladih u FBiH, podrška mladim talentima

Saradnja sa omladinskim organizacijama i međunarodnim organizacijama koje se bave problematikom mladih te aktivno učešće na raznim omladinskim forumima, konferencijama i seminarim, radnim grupama.

Razvoj projekata koji se odnose na prezentaciju, edukaciju, uključivanje i upoznavanje mladih ljudi sa mogućnostima školovanja kroz kontinuirane projekte sa mladima iz Federacije Bosne i Hercegovine .

Kamp animacije, Neum	januar -mart 2011.
Kamp animacije , Igman	maj -juni 2011.
Nastavak rada na projektima podrške programima mladih u zaštiti kulturnog naslijeđa, jačanje svijesti kod mladih o potrebi i očuvanju kulturnog naslijeđa Bosne i Hercegovine te aktivnosti mladih koje doprinose obrazovanju i edukaciji mladih, realizacija programa „Mladi i naslijeđe“ manifestacije <i>Dani europskog naslijeđa</i> ;	
„Mladi i naslijeđe“ ,	april- septembar 2011.

Nastavak podrške programima mladih koji doprinose angažiranju i afirmaciji mladih u kulturi, podrška razvijanju manifestacija, programa i projekata mladih u oblasti kulture, koji doprinose edukaciji mladih, stipendiranje, uključivanje, zapošljavanje i volonterski rad mladih. januar-decembar 2011.

Novi projekat koji Centar za mlade planira realizirati u toku 2011. godine je edukacijskog karaktera, a odnosi se na informiranje mladih, unaprijeđenje njihovog znanja i vještina za pisanje projekata i mogućnostima korištenja Fondova EU, za Program „Mladi u akciji 2007-2013“, koji je otvoren za NVO sektor. Planirano je organizirati po tri radionice za mlade u svim kantonima Federacije BiH u saradnji sa lokalnim nivoom vlasti. maj – novembar 2011.

Centar za mlade će, također, pružati podršku razvoju programa za mlade u oblasti sporta; podrška školskom sportu i vaspitno-obrazovnim, razvojnim i edukacionim programima za mlade, kroz projekte koji doprinose očuvanju zdravlja i vaspitanja mladih, podrška sportskim programima Centra za mlade te stipendiranje mladih talentiranih sportista. januar-decembar 2011.

## **Sport**

Strateški ciljevi razvoja sportske djelatnosti u 2011. godini su dostizanje stepena uključenosti stanovništva u sistematsku sportsku aktivnost nivoa sportski razvijene zemlje kao i nivoa vrhunskih sportskih dostignuća koji će dostojno prezentovati našu zemlju na međunarodnim sportskim takmičenjima. U savremenim uslovima sport je postao značajan dio kulture i ukupnih vrijednosti društva te je neophodno, na svim nivoima, značajnu pažnju i brigu posvetiti ovoj djelatnosti, koja u našoj zemlji ima dugu i bogatu tradiciju.

Nastavljajući aktivnosti u zakonom utvrđenim okvirima, na podsticanju i unapređenju sporta kao dijela ukupnih društvenih vrijednosti Federalno ministarstvo kulture i sporta, kao prioritete u 2011. godini planira ostvariti punu saradnju sa Ministarstvom civilnih poslova BiH na planu implementacije Zakona o sportu u Bosni i Hercegovini, kantonalnim resornim ministarstvima, Ministarstvom porodice, omladine i sporta RS i sportskim asocijacijama u cilju afirmacije sporta kao dijela ukupnih društvenih i kulturnih vrijednosti.

Da bi sport u Federaciji Bosne i Hercegovine doprinjeo opštem razvoju, u 2011. godini će se odvijati u sljedećim pravcima:

### **Podrška izgradnji opremanju sportskih objekata**

Posebna pažnja bit će i dalje posvećena izgradnji, opremanju i rekonstrukciji sportskih objekata kao preduslova za razvoj vrhunskog sporta, sportske rekreacije i nastavnih programa tjelesnog i zdravstvenog odgoja. Želja nam je da dostignemo nivo sportski razvijene zemlje i stvorimo preduslove da se svi građani mogu aktivno baviti sportskim aktivnostima, a sportisti ostvarivati vrhunske sportske rezultate. Nakon usvajanja Pravilnika o kategorizaciji sportskih objekata na nivou BiH pristupit će se izradi Pravilnika o kategorizaciji sportskih objekata od interesa u BiH u skladu sa Zakon o sportu u BiH i međunarodnim standardima.

U saradnji sa Fondacijom za održivi razvoj OdRaz izgradit će se poseban program izgradnje i opremanja sportskih objekata i na taj način obezbijediti dodatna sredstva neophodna za izgradnju i opremanje sportskih objekata u sredinama u kojima je to neophodno.

### **Podrška organizovanju sportskih manifestacija u Federaciji BiH**

U našoj zemlji koja ima dugu i bogatu sportsku tradiciju organizuje se niz sportskih manifestacija koje daju doprinos u omasovljenju i razvoju sporta. Pored podrške tradicionalnim sportskim manifestacijama kao što su Velemajstorski šahovski turnir „Bosna 2011.“, Tradicionalni međunarodni atletski turnir prijateljstva, Sportske igre RVI, Sportske igre paraplegičara i oboljelih od dječije paralize i još jedan broj tradicionalnih sportskih manifestacija u FBiH pružit će se podrška i međunarodnim sportskim takmičenjima koja će se u 2011. godini organizovati na teritoriji Federacije BiH i za čiju organizaciju je Federalno ministarstvo kulture i sporta već dalo saglasnost.

### **Podrška učešću sportista na međunarodnim takmičenjima**

U cilju dostojnog predstavljanja zemlje na najznačajnim međunarodnim takmičenjima pružit će se neophodna podrška pripremi i odlasku naših najboljih sportista na njih. U saradnji sa Ministarstvom civilnih poslova i Ministarstvom za porodicu, sport i omladinu RS neophodno je utvrditi kriterije za ovu finansijsku podršku jer sportisti na ovim takmičenjima predstavljaju Bosnu i Hercegovinu u cjelini.

### **Organizacija školskih sportskih takmičenja**

U saradnji sa kantonalnim ministarstvima, Federalnim ministarstvom obrazovanja i nauke i sportskim savezima na nivou Federacije organizovat će se školska sportska takmičenja koja trebaju biti u funkciji zadovoljenja djece za kretnim aktivnostima i poboljšanja fizičke sposobnosti i zdravlja. Pored toga ova takmičenja trebaju dati aktivnost podizanju nivoa sportske kulture i podsticaj za dostizanje vrhunskog sportskog stvaralaštva. U prošloj godini su vrlo uspješno organizovanja školska takmičenja u atletici i košarci, a u ovoj godini, prema iskazanom interesu škola i sportskih saveza trebalo bi organizovati završna sportska takmičenja i u odbojci i plivanju.

### **Usaglašavanje zakonske regulative**

Ministarstvo će aktivno učestvovati na donošenju zakonskih i podzakonskih akata koji proizilaze iz Zakona o sportu u Bosni i Hercegovini kao preduslova za adekvatno i kvalitetno organizovanje sporta i ostvarivanje strateških ciljeva njegovog razvoja.

### **EUROFIT - Projekat praćenja fizičke spremnosti školske omladine**

Projekat praćenja fizičke spremnosti školske omladine, zahvaljujući podršci Federalnog ministarstva kulture i sporta realizuje se već jedanaest godina po jedinstvenoj naučnoj metodologiji kao u svim zemljama Evrope. U saradnji sa

kantonima i udruženjima pedagoga tjelesnog odgoja, u 2011. godini projekat treba realizovati u svim kantonima.

### **Informacioni sistem u sportu**

Na osnovu jedinstvenog informacionog sistema u sportu Bosne i Hercegovine koji je usaglašen sa standardima evropske informacione sportske mreže pristupit će se utvrđivanju informacionog sistema na nivou Federacije koji će biti njegov dio. Cilj je obezbijediti sistematsko praćenje i evidentiranje organizovanja sporta i sportskih organizacija kao i stručne, naučne i izdavačke djelatnosti u sportu.

U cilju obezbjeđenja što bolje i transparentnije podrške realizaciji projekata i programa u oblasti sporta izradit će se posebni kriteriji za korištenje sredstava iz Budžeta Federacije BiH.

Redovno će se održavati saradnja sa Ministarstvom civilnih poslova, kantonalnim ministarstvima i sportskim asocijacijama sa ciljem ostvarivanja utvrđenog programa i afirmacije sporta i njegovih vrijednosti.